



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ԲԱՂԱՔԻ ԿԵՆՏՐՈՆ ՎԱՐՉԱԿԱՆ ՇՐՋԱՆԻ ՂԵԿԱՎԱՐ

ք. Երևան, Տեղյան փող., 44, հեռ.՝ (+374 11) 518 401, էլ. փոստ՝ kentron@yerevan.am

N

974-Ա

«28» 11 2019թ.

Ո Ր Ո Շ ՈՒ Մ ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

Երևանի քաղաքապետարանի աշխատակազմի առևտրի և սպասարկումների վարչության առաջատար մասնագետ Արկադի Ոսկանյանի կողմից 04.11.2019թ. կազմված թիվ 032806 վարչական իրավախախտման վերաբերյալ արձանագրության հիման հարուցված վարչական վարույթում Երևան քաղաքի Կենտրոն վարչական շրջանի վարչական իրավախախտման վերաբերյալ գործերը քննելու և վարչական տույժ նշանակելու համար նյութերը նախապատրաստող հանձնաժողովը /այսուհետ՝ Հանձնաժողով/, Երևանի Կենտրոն վարչական շրջանի ղեկավարի 08.02.2019թ. թիվ 49-Ա որոշմամբ հաստատված կազմով, 28.11.2019թ. տեղի ունեցած նիստի ընթացքում քննեց 04.11.2019թ. կազմված թիվ 032806 արձանագրության մեջ նշված վարչական իրավախախտման վերաբերյալ գործը, որի համաձայն անհատ ձեռնարկատեր Վարդան Զանինյանի կողմից 18.09.2019 թվականին Երևան քաղաքի Խորենացի փողոցի թիվ 24 հասցեում իրականացվել է թանկարժեք մետաղներից պատրաստված իրերի մանրածախ առուվաճառք:

Գործի քննության ընթացքում Հանձնաժողովը, էական փաստական և իրավաբանական հանգամանքների հետազոտման արդյունքում, պարզեց, որ անհատ ձեռնարկատեր Վարդան Զանինյանի կողմից կատարվել է վարչական իրավախախտումների վերաբերյալ օրենսգրքի /այսուհետ՝ Օրենսգիրք/ 169.16-րդ հոդվածի 7-րդ մասով /առանց թույլտվության համայնքի տարածքում թանկարժեք մետաղներից պատրաստված իրերի մանրածախ առուվաճառք իրականացնելը/ նախատեսված վարչական իրավախախտում:

Ելնելով վերոգրյալից, հիմք ընդունելով Հանձնաժողովի ուսումնասիրության արդյունքները և գործի քննության ընթացքում պարզված հանգամանքները, ղեկավարվելով Օրենսգրքի 23-րդ հոդվածի 2-րդ մասով, 169.16-րդ հոդվածի 7-րդ մասով, 219.1-րդ և 281-րդ հոդվածներով, Երևան քաղաքի ավագանու 07.05.2010թ. «Երևան քաղաքի վարչական շրջանների ղեկավարներին լիազորություններ պատվիրակելու մասին» թիվ 96-Ն որոշմամբ, Վարչարարության հիմունքների և վարչական վարույթի մասին օրենքի 59-րդ հոդվածի 2-րդ մասով,

ՈՐՈՇՈՒՄ ԵՄ

1. Անհատ ձեռնարկատեր Վարդան Զանինյանին 169.16-րդ հոդվածի 7-րդ մասով ենթարկել վարչական պատասխանատվության՝ նշանակելով վարչական տույժ 100.000 /հարյուր հազար/ ՀՀ դրամի չափով:

2. Առաջարկել անհատ ձեռնարկատեր Վարդան Զանինյանին միջոցներ ձեռնարկել իրավախախտման պատճառները և պայմանները վերացնելու ուղղությամբ և Օրենսգրքի 305-րդ հոդվածի համաձայն 100.000 /հարյուր հազար/ ՀՀ դրամ վարչական տուգանքը վճարել սույն որոշումը ստանալու օրվանից ոչ ուշ, քան տասնհինգ օրվա ընթացքում՝ վճարում կատարելով կենտրոնական գանձապետարանի 900015213110 հաշվեհամարին: Օրենքով սահմանված ժամկետում տույժը չվճարելու դեպքում այն կարող է բռնագանձվել դատական ակտերի հարկադիր կատարման ծառայության միջոցով:

3. Կայացված որոշումը եռօրյա ժամկետում պատշաճ ձևով կուղարկվի անհատ ձեռնարկատեր Վարդան Զանինյանին:

4. Որոշումը կարող է բողոքարկվել վերադատության կամ դատական /ՀՀ վարչական դատարան/ կարգով որոշումն ուժի մեջ մտնելու օրվանից երկու ամսվա ընթացքում:

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ



ԶՈՒԿ ՍԱՐԳԱՐՅԱՆ